

壯懷堂詩初稿

余與林湘颺廉訪至契相別十餘年不料其遽歸道
今春莅閩得見令嗣子隅太守英爽俊逸吐屬嫺雅
悍之色見於眉宇間急延入署相處四月每公暇晤談
極得其襄贊之益茲將握別子隅出壯懷堂詩稿見示
屬綴數言余素不工詩近復老禿何敢妄加品評第念
子隅以沈博絕麗之才運潤古雕今之筆必能扶搖蓬
島著作承明爲一代文章鉅手則此集特管中窺豹略
見一斑耳咸豐庚申五月儀徵張集馨椒雲甫倚裝書

題詞

讀子隅詩奉柬

宜黃

符兆綸雪樵

詩詞

林子落詩筆浩然風雨來愁生古鬼泣力破瘴江開相
馬悲塵棧擒龍笑故臺乾坤殊莽莽問有幾人才
再讀子隅近詩感成一律

九州羣盜尙如毛一楊先生卧自高酒政偶同軍政肅
詞場拚作戰場塵潘郎三十年非晚杜老尋常興尙豪
河漢西沈雁南斷愁邊風雨太蕭騷

七月二十日祝子隅初度卽題大集

閩縣

李應庚

星村

若發穎豎飄然不羣匪師匪友胡情胡文嘖李裁杜吐

棄紛紛或見古月或爛華雲春華秋實勗哉夫君

奉題子喁壯懷堂稿

長樂謝章鉞枚如

遲清亭

鄭少谷

下怨嘯鴉無悶堂

張超然

前見落花作者君

曾師李白才名人欲比張華

謂亭甫

廿年行路輕千里

君隨

尊甫廉訪公宦游幾遍海內

一代能詩許四家

君選唐宋以來詩慚一代不過四家

愧山齋栽小草秋聲滿手上銅琶

評語

侯官林則徐少穆

隸事典切結響沈雄詩筆於梅村爲近

晉安楊慶琛雪樵

曩在余友施怡巖扇頭見子隅詩喜其無叫囂氣索閱全稿各體俱能直抒已見大放厥辭懷古感時諸作尤極沈着妙年具此雋才所造豈復可量

宜黃陳偕燦少香

子隅天才雋爽綺歲卽工吟詠下筆滾滾千言立就茲出其壯懷堂大稿屬爲商定喜其氣體高華音節宏亮

不拘一格動能棄其糟粕而咀其精華駸駸乎入古作者之室非時輩所能後先已子隅以方盛之年好學深思所造已能如是進而益上余又烏能測其詣力之所至哉

侯官劉家謀芑川

大箸才氣橫厲風骨高竊直可遠接遺山近揖大復士衡入洛之年具此才力精進不已建中原之旗鼓者非君而誰不揣固陋妄爲刪定愛我者當不以爲悖乎

江甯夏塏紫巖

沈雄秀逸卓然大家

長樂
謝章鋌
枚如

子隅詩氣勁詞雄不爲錚錚細響其五七律尤佳足使
何李望而卻步吾閩壇坫君其與甸男檀河代興也夫

題詞

題子隅四弟壯懷堂集

侯官林齊韶小銘

年少風流鶴在陰
丹山雛鳳託清吟
相逢燕趙悲歌士

猶有英雄淚滿襟

君髫齡隨宦京邸卽有詩名

平生足迹半天下
宛冀荆梧幾度來
萬里行程雙管筆

江山只合助仙才

伯父廉訪公敷歷中外君皆隨任所至唱酬題詠哀然成集其才之敏概

可知矣

歸來猶是守青氈
使酒狂歌意灑然
一種秋心何處着

梧桐花下月明天

君所居名桐雨軒又曰託軒頗饒幽勝往時聞君閉戶吟詩輒匝月不出

云

千古交期重肝膽十分豪氣稱鬚眉只今三尺龍文劍
斫地無聲亦可悲

滄海浮槎大有心披圖獨坐酒重斟高情合在蓬萊島
何處成連一曲琴

君舊有泛海浮杯圖

近來海內爲長句

杜

強半胡盧僞體多要與杜陵開後

壁不須辛苦學陰何

君論詩大旨以杜爲宗

南社曾扶大雅輪月泉舊例又翻新談詩肯落公安派

膳部宗風此替人

甲寅春君倡南社之會作者十三人余與焉吾閩二百年壇坫於茲再振

一燈風雨讀離騷今古茫茫首重搔我亦邯鄲舊狂客

千金誰與覓屠刀

壯懷堂詩初稿總目

卷一

古今體詩三十三首

卷二

古今體詩六十九首

卷三

古今體詩七十七首

卷四

古今體詩六十七首

卷五

古今體詩五十六首

卷六

古今體詩四十一首

卷七

古今體詩七十一首

卷八

古今體詩六十五首

附刻八首

卷九

古今體詩九十八首

附刻十一首

卷十

古今體詩六十二首

附刻四首

壯懷堂詩初稿卷一

侯官林

登臺

俯仰乾坤際誰爲曠代才雄心一萬古落日獨登臺

仙人篇

吾聞軒轅國乃在大海中樓臺聳金碧咫尺蓬萊宮奇
花大如掌照眼丹霞紅王母海上來車聲走豐隆鸞鳳
起吹笙連蜺舞長虹仙姬捧瑤觴環珮搖琤鏗鏗奏
仙樂一洗箏瑟空初歌絕凡響再歌啟遐聰三歌忘世
慮泠然坐春風千秋萬禩中爲樂不可窮

少年二首

翩翩瑤服五陵豪
白馬銀鞍七寶刀
朝向侯門干衛霍
暮從燕市結荆高
監軍昨日參龍武
擊劍當時藐虎毛
聞道傳烽青海急
邊庭風雪敢辭勞

拔戟橫戈意氣驪
長驅匹馬向匈奴
談兵頻入元戎幕
倚醉時眠少婦鑪
射虎山南雲黯澹
按鷹磧裏月模糊
富平自具封侯骨
麟閣他年倘繪圖

春日城南觀鬪鶉感賦

寒天萬里浮雲屯
高齋十日迷晨昏
冬來雨多兀閉戶
無事美酒長盈樽
天公似憐困頓久
特遣今日開晴暉

東鄰齊生好事者邀我步出城南門市中百技罕不有
況乃春暖陳紛紛廣場乍開關鶉戲觀者萃聚如列垣
誰家游閒少年子短衣禿裘來鬪喧腰閒錦囊各盈握
勝負輒以千金論初移玉牀置中席鬪器燦列黃金盆
兩鶉脫手極英俊猛勢似欲相追奔一鶉聳肩目逐逐
一鶉竦翅身蹲蹲戰聲四作慄心魄殺氣迅走摧籠樊
正如兩軍稱勁敵稍一失手不可援我觀此狀顏色沮
口方欲語氣已吞嗟爾儔類自戕賊磔毛啄血爲仇冤
昔時野田草初淺羣飛低伏同盤桓意和性善有定匹
胡乃變志尋勞煩歸田倘遇舊儕伴笑爾癡頑真寡恩

燕至

春來江燕似知機，困頓相看惜羽衣。
茅舍煙晴時對語，野塘風暖忽雙飛。
早辭漢殿棲難穩，從入吳宮志總違。
自是主人能見愛，年年還認舊巢歸。

牧牛詞

平岡草長村童牧，牛角崢嶸牛尾禿。
輕簑短笛日相隨，行過山南轉山麓。
一鞭歸去斜陽晚，歌罷還從牛後宿。
麾肱指導牛能馴，燥溼寒暄吾所熟。
君不見牧民無術牛不如，怨聲往往盈鄉閭。

燕臺雜詠八首

神京弈弈拱幽燕上谷漁陽險阨連明月孤懸遼海戍
暮雲不斷太行天九霄螭尾開宮闕萬戶魚鱗接井廛
自是我

皇能愼德小民齊祝太平年

黃金自昔有高臺相士何從覓郭隗一局螭棋爭博道
三朝龍運付飛灰金戈玉匣紛難記覆鹿亡羊共可哀
最是無情滄海月茫茫照盡古今來

黃旄白鉞擁高麾閔武堂開畫角吹八校兵多飛虎將
五陵人是鬪雞兒烽煙北望消青障日月西迴轉翠旗
聞道清時諸將帥日將談笑鎮邊陲

朱纓小隊玉乘馳射獵蘭皋夾道通甲仗迴開朝日麗
牙旗斜拂晚雲紅鶯啼芳樹飛金彈兔走霜林拓柘弓
鹿苑豹房勞顧問不須獻賦未央宮

將軍神勇冠三軍劍佩歸來氣不羣姓氏只今標絕徼
威儀當日起橫汾翠翎玉管新承寵白馬銀鞍舊策勲
藻采千言誇諭蜀何勞更誦長卿文

梨花三月鳳城香玉勒嘶風官道旁仙吏勲名慚馬監
故家世業本龍驤座多燕趙悲歌客門有邯鄲挾瑟倡
百萬金錢揮霍盡一生贏得是輕狂

九重龍袞日臨軒班劍紛紛奏事繁丞相車騎遮複道

通侯檠戟拓朱門權高未省郎官貴勢去方知獄吏尊
欲叩天關愁虎豹巫咸何處問銜冤

聞道長安不易居年來米價復何如關河放浪三春酒
湖海飄零萬里書畫棟覓巢看有燕朱門彈鋏歎無魚
季鷹歸思秋風裏何處鄉園望傲廬

洗象行

長安六月天如炙日倒長河水皆赤岸側傳呼洗象來
千萬人看立沙磧須臾都尉出西城車前指點黃埃生
紛紛鉦鼓動地起萬戶屏息俱無聲虬髯蠻奴三十六
詭狀魑形駭心目揚威高踞伽那顛一一騎來河畔浴

塵埃拭淨刷雙牙四蹄亂蹴飛霜花長揮修鼻高七尺
兩岸頓覺逃風沙岩堯影落一千丈凌鑠奔流氣森爽
垂首才看攪浪開翻身已見排雲上初疑格鬪來昆陽
雄聲丕震威遐方噴雷噤雨失晴晝白日慘澹天無光
旋疑轉戰出天竺殺氣奔騰撼荒服結隊呼羣塞廣場
山君喘息明駝伏我聞此乃瑤光精胡粵藉之爲利兵
天生英獸好軀幹特使入貢來

虞廷

聖皇所貴豈異物得此亦堪威海渤俸膺三品如職官
同向

彤墀厠簪笏君不見開元殿上朝賜酺迎階拜舞何歡
娛又不見洛陽城中夜開宴決眚怒視鳴欬歔象乎象
乎雖異類似爾頗能明大義西秦獅子南海犀徒向人
間弄游戲古來多少二志臣蒙污忍辱存其身食君之
祿不能死空負人軀不如爾

從軍行

幽燕少年年廿五廣額龐眉氣如虎復仇祇用一橫戈
殺賊全憑幾枝弩昨宵鐵騎來邊城報君情急性命輕
搃金伐鼓下榆塞黃沙萬里連行營山川蕭條日無色
羶帳槍城愁不得奇勲不羨李征西苦節徒憐蘇屬國

詰朝烽火照狼山
鞭鞘指處千夫環
身經百戰穿金甲
不斬樓蘭誓不還
破敵歸來見天子
醢酒椎牛勞將士
戎裝乍卸漫還家
明年又報邊塵起

螢火

夜深螢火出熠熠
古牆陰化質雖緣
草爲光豈異金因
風穿竹葉和雨度
楓林似解憐貧士
時存照讀心

石鼓歌

辟雍石鼓天下無
誰其歌者韓與蘇
我生才薄苦無力
捉筆欲賦還踟躕
長廊大廈走光怪
左右森列同分符
厥名爲鼓取形肖
叩之豈有聲如鼓
熊羆疑觀日離舍

厯厯似數星當樞年深缺畫不易辨口雖欲讀還囁嚅

細看字迹頗變幻蝌蚪篆隸難分區相傳書自史籀手

辭義典重無浮敷仰追雅頌豈貂驥俯視曹蔡真奚奴

左司首起創其說謂此文考垂嘉謨或云周宣中興日

紀誦功德爲張鋪岐陽蒐閭廣川跋事據盲左非餽塗

揣摩時世或各異大抵不出西京初歐公三疑少取舍

特於韓也而信諸後世狂儒每逞臆輒怪古說爲牽拘

定國馬生稱獨見滋陽牛氏開新圖爲秦爲魏復矛盾

尤可笑含糊廬他如潘迪施宿及薛伯鄭樵前韓洽

後顧絳章樵王厚吾衍譜箋訓釋互沿誤紛紛聚訟時

相狙考古奚煩事穿鑿但得其畧亦已娛矧於經史所未及何樂妄語爲喁喁誰能奮起闢眾謬一洗茫昧開昏愚曾聞先時久散失陳倉野外蒙榛蕪村牛日來礪其角山鬼夜出潛挪揄博士見之思立致駱駝背穩裹以蒲大官嬖嬰不識事徒覺四顧生歔歔鄭家餘慶何偉偉徙置孔廟煩枝梧李趙之間失其一窮搜細訪勤追逋壯哉傅師雅好古偶爾得自鄉民廬寶器初離幸復聚恍若合浦還靈珠大觀東遷靖康末南征烽燹連郊郭礮聲震裂血光紫已見此物歸燕都移來大學肇皇慶至寶詎可方砮砮迄今又閱五百歲癡牴錯落無

完膚質涵混沌氣渾厚古樸上欲躋圖書或如縉雲而
鬱鬱或如密雨而漉漉或聳秋山之孤削或挹寒葩之
清臞或俎豆遜其莊肅或圭璧礪以廉隅或金光耀乎
劍鐔或嚴氣森於戈殳或覩鸞鳳兮高翥或訝蛟龍兮
夜趨或摧輞而連折軸或敗楫而接傾艣參差磊落不
一狀方圓廣袤亦以殊甲鼓詳明畧可讀角字中劈疑
剗鏤乙鼓在昔最完好今也惟識柳與魚丙鼓廢當從
片女覃溪審定良不誣丁鼓端然獨中矩捫之四面生
棱觚戊鼓全辭失過半己鼓中缺如斷壺庚辛二鼓剝
蝕盡已無其字存其模壬鼓癸鼓亦零落重之亦覺高

璠瑜漂流百戰尙獨立
俛仰萬古成須臾
從來物情有興廢
金石安得久不渝
夏王碑刻久摧折
商父彝鼎今淪胥
壇山穆書就傾仆
泰頂遺迹尋模餉
憶昔祖龍起逐鹿
六經九鼎遭焚誅
十鼓歸然在宇宙
無乃鬼守非人扶
我來摩挲竟終日
循牆再拜生長吁
莫云汝鼓壽且永
投梭歲月方奔徂
那得南山盡爲石
遍覓好手重臨摹
言疑無稽志有在
日久漉汗吾所虞
急將貢紙拓萬本
墨香載取游江湖

憶熱河四首

密雲東望入檀州
武列西風溯舊游
歲月幾經勞

玉輦江山從古壯金甌居民強半皆齊晉風俗依然屬
薊幽一事應輸諸鎮將太平無地覓封侯

孤城截塞倚雲間形勢臨衝亦壯哉萬竈炊煙通雁塞
九邊秋色動龍堆重關月黑聽雞出亂澗風腥射虎回
立馬道旁看斷碣紀功無字滿蒼苔

邊城一帶接蹉栽徐戚當年著績多大磧秋晴盤俊鵲
平原日落散明駝庠廡古成猶連弩白雲曾渠盡荷戈
竊喜清時少烽燧行人朝夕好經過

五峯雙塔起峻嶒山好偏慚未盡登灤水西來翻濁浪
居庸北去擁寒冰霜嚴刁斗千營角風颭牙旗萬帳燈

同憶烏桓巖嶂路昨宵夢落最高層

老將

舊事不堪憶歸來室已無風沙百戰老天地一身孤伏
櫪收羸馬趨轅繫斷弧陰山猶帶甲誰是熟兵符

放歌行

脫君腰閒三尺之寶劍棄我手中三寸之毛錐立談直
可取卿相安用白璧黃金爲朝入大梁都暮入咸陽市
褐衣馳步金馬門射策萬言動天子崇朝特起登青雲
年少先居要路津絳灌讒言不得入嚴徐自喜榮其身
出建高牙擊大鼓騎卒千人氣如虎平交屑屑到王侯

晉謁紛紛走官府有時杯酒縱經過冠蓋逡巡意氣多
綺席紅粧凝粉黛後堂銀燭簇笙歌滿前聲伎差可樂
歲歲年年恣歡謔豈知時事有遷移昨日花開今已落
勢去徒深市道悲昔年交誼是耶非盟心金石寒灰棄
冷落門前車馬稀歸來偃仰東籬下霜菊初黃採盈把
一樽日與援鶴親抱膝高歌無和者歌聲斷續不可聞
眼中世事徒紛紛自今請謝朱輪客長向空山卧白雲
憶別

相逢洛陽陌相送長安道落日照行旌秋風滿黃草識
君一何遲別君一何早征途霜雪多君身慎自保去時

柳正青至今已衰槁拭淚遠憶君容顏爲君老

雁

迢遞雲霄路飛鳴意自深江湖愁見影霜月苦傳音玉
塞年年戍金閨夜夜心含情無處訴聽爾一霑巾

獵戶曲二首

四山獵火夜紛紛旌旆搖天散作雲一騎灞陵風雪裏
無人知是故將軍

曾奉清塵侍屬車漢皇威武近何如九廛十雉尋常事
不讀揚雲諫獵書

結客少年場行

長安少年游俠客走馬日逐城南陌見人不肯道姓名
不是英雄不相識平生意氣重結交龍泉三尺橫在腰
片言偶合吐肝膽萬事到手輕鴻毛朝入主人門暮醉
主人宅主仇不報空丈夫躍馬出門身不惜刺殺讐人
函首歸淋漓頸血尙沾衣主人請以千金報踏步掉頭
去不告君不見荆卿當日勇無倫聶政西來亦可親從
來緩急相看者猶數屠沽輩裏人

擬古三首

歲序日推移游子思故鄉嗟彼寒林鳥悠悠以翱翔故
人隔天末當風獨悲傷疇昔叢桂地明月皎輝光持杯

對前林蟋蟀鳴西堂良會既不值中心起徬徨

芙蓉隔江渚幽姿吐芬芳欲采貽所思道路阻且長中
宵疾風至嘉植萎秋霜盛時不愛惜歲暮空斷腸

人生如萍萍飄泊無根荇朝依漢水濱暮宿滄江涯風
波無定蹤去畱與之偕我生付時命所願常不乖安能
務榮利役役勞形骸且須飲美酒悠然適天懷

壯懷堂詩初稿卷一終

壯懷堂詩初稿卷二

侯官林 直子隅

過蘆溝橋

萬古桑乾水奔流入大河
黃沙低鵲雀白日走鼃鼃
歲月重迴首乾坤一放歌
故人燕市酒相憶定如何

渡琉璃河

駐馬河干日又斜
九秋水淺見平沙
盤陀石外疏楊下
幾點青帘賣酒家

樓桑村漢昭烈廟

停驂阻燕境四望浮雲屯
狂飈走沙石白日愁黃昏
緬

昔漢昭烈誕生肇茲村東南籬角閒有桑託孤根童童
五丈高車蓋當空翻兒時戲其下羽葆自言尊閉戶業
履席誰知靖王孫終焉嗣漢統俗口爭呶喧時興柯葉
茂事去荆榛繁天心已厭漢關張亦何論遂令豐沛緒
一墜不可援經過拜遺廟淚落如潺湲

南皋店

行行至南皋途遠日向夕天風吹蓬蒿斜陽澹沙磧相
傳古仙人琴高此畱跡飄然騎鯉來鱗鬣鼓蒼赤往還
無定蹤靈躅不可覈訛高而曰皋厥名沿自昔嗟我困
風塵頻年苦征役人生百歲中倏忽頭已白念茲不死

樂方思厲雙翩自笑凡骨身安能隸仙籍行矣戒前途
吾將適吾適

曉過定興

夜雨滴初歇凌晨過定興泥塗雖踳踳輪馬自飛騰雲
失依村樹人行負郭塍林端忽開霽旭日漸東升

安肅食白菜

落日啼烏繞縣門投車野店已黃昏年來飽饜風塵味
急向寒廚索菜根

荆軻故里

燕丹募死士大俠安可期輕言報秦讐其志無乃癡荆

卿感厚遇酬答原所宜
白金買七首奮臂如秦師
賓客白衣冠灑淚當路歧
登車去不顧歌聲一何悲
猛氣撼落日長虹爲西垂
及秦開地圖列座森戟戣
舞陽一小兒對之心魄馳
軻也卒倔健談笑神以怡
天意未終秦壯夫空爾爲
利鋒摘銅柱事去徒罵箕
豪君一震怒社稷倏已危
寡謀適取禍徒令行路咨

保定遇雨

我從涿鹿來三日愁泥塗
今茲及保定溺雨復淒淒
黑河倒汚流魚鼈滿通衢
倉皇歎老僕局促悲轅駒
主人田舍翁對客忽長吁
今年苦霖霖黍麥無粒珠
朝停厨

下纓暮急官家租官家猶可寬難逃吏與胥倘君任民
社此輩須先除莫使閭閻閒怨聲塞路隅

古堠

古堠無人戍烽煙祇覺哀地荒餘白骨樹老上蒼苔喜
共村翁話驚看驛使來昇平雖日久守者未須裁

宿清風店

淩曉趨程急投鞍日未斜黃看官道柳紅發戍垣花野
曠雲千疊秋澄水一窪饑民紛滿道拭目動咨嗟

博陵

木落平原秋宇澄漸看野澗上寒冰中山故郡無人問

苦雨淒風過博陵

定州懷劉夢得

元和格調數詩豪
晚歲文章得價高
陋室有銘尋不得
滿城風雨長蓬蒿

明月店見柳

困頓風塵強笑嬉
停鞭無事故遲遲
有情明月無情柳
同向天涯送別離

滹沱河題麥飯亭

漂母哀王孫馮異結
光武俯仰漢君臣
一飯各千古

正定道中

落日孤城已半扃
風沙北望晝冥冥
百年形勢雄河朔
三鎮烽煙接井陘
雁去遙連關塞黑
鶴飛不斷海天青
時清無事勞征戍
爛醉題詩上驛亭

樂城口號

樂武臺邊宿草荒
臥龍岡畔凍雲黃
我來野飯逢村叟
日暮橫橋喚賣漿

趙州道中

馬上續殘夢句用征途殊未賒
纔醒樂邑酒且喫趙州茶
日午雞聲亂天寒鐸語譁
風塵紛滿目何處望京華

柏鄉口號

風定雲無迹
天清意自閒
車中隨坐臥
飽看柏鄉山
順德懷古

太息巖疆幾戰爭
黃沙白日斷人行
荻蒲徧長侯芭宅
荆棘全荒石勒城
汾晉關河秋雨暗
邢襄郡國暮雲平
依山憑險誇形勢
鉅鹿當年已擅名

豫讓橋

早歲事中行
眾人之遇心
何傷暮年事
智伯國士相看
報未得古云
兔死狐所悲
主讐不報空
人爲女爲悅已
容士爲知己
死一朝奮激
逃空山變姓
埋名伺襄子
晉入宮臣先
挾刃塗廁中
君乘馬臣早
漆身伏橋下
臣饒

全義臣伏誅請衣一擊君許無翻身自殺心不悔魂魄
至今見光彩

自沙河至裕連店道上

長河極望莽平沙古陌無人柳亂斜一夜西風過疏雨
道傍開遍木棉花

臨洛關

洛水流澌急雄關累石多昏鴉寒墜地病葉亂辭柯過
客經殘戍居民拾斷戈古來征戰地荒草滿陂陀

呂仙祠

落木荒祠古道邊往來車馬日喧闐亦知身是風塵客

強帶慙顏拜吕仙

邯鄲行

西風走馬邯鄲道落葉紛紛秋已老孤城水潦無人耕
隴陌依然滿荒草聞道邯鄲全盛時朱樓日日醉金卮
高車大馬侯門客寶瑟銀箏趙國姬霸圖銷歇一千載
松柏西陵青不改三晉河山望已迷六王宮殿嗟安在
朝來都市遊少年豪傑歸山邱暮就酒家宿十五名倡
葬林麓天陰雨涇風淒淒古塚白楊聞鬼哭我來憑弔
登叢臺東南萬里飛黃埃英雄千古呼不起酹爾臨風
酒一杯

蔣相如故里

將軍奉命趨秦疆衝冠一怒何堂皇臣頭可碎臣不屈
全璧依然歸趙王澠池之會書飲酒趙王鼓瑟秦王缶
易璧那須十五城但請咸陽爲王壽是時意氣高嵯峨
虎狼之國奈爾何如君智勇兩超絕生死全憑一腔血
丈夫當事貴自雄莫使徒然勞口舌嗚呼七國方紛紛
力扶危趙惟將軍人人盡得如將軍趙可以王秦不存
嗚呼安得如將軍

早發磁州

安居習嬾閒手足少劬痛登途不自由萬事但從眾雞

鳴卽催發老僕整鞭鞍城門呀半開月黑天如甕出城
歷陂陀紆折若磨礱高原煙霧收旭日照林洞旋來道
傍憩風捲市聲闐登車覺神倦日與睡魔控朝行而暮
宿跬步不得縱何年息征鞍一醒風塵夢

渡漳河

匹馬西風過相州煙波滿目使人愁白雲已失安陽樹
斜月猶懸講武樓渺渺川原分遠曙荒荒戍壘入殘秋
銅臺冰井飄零盡萬古清漳水自流

鄴中弔謝茂秦

燕晉關河快壯游布衣落拓復何求無錢可買青山宅

有志終辭白雪樓中道交情嗟七子暮年名譽動諸侯
改亭不作虞山死過客誰來弔廢邱

湯陰謁岳忠武祠

黑雲壓地天垂墨萬里烽煙接河北六州坐失兩淮空
宋室江山半歸賊鄂國英雄提劍來燕雲唾手妖氛開
勤王一呼百騎出氣燄已使長城摧東京之圍奮身早
決捷招降勢如掃馳書纔報平江淮傳箭旋聞定嶺表
欲全高義處不屠鞭勒北指荆襄趨紛紛劇賊特膚痛
李成戰死楊么誅輕騎來屯鄆城下白骨如山淚盈把
先聲久震岳家軍神算今除拐子馬指日王師計渡河

金牌連下淚滂沱何年痛飲黃龍府故國終傷白雁歌
遮道香盆萬人哭天心未許中原復將軍枉費十年功
丞相祇爲三字獄二聖蒙塵竟不還靖康當日恨偏安
冰天淚盡龍髯折雪窖魂銷馬角寒自古功高眾所忌
况復權奸正當位勲名豈讓霍嫖姚冤憤何如檀道濟
至今青史尙餘悲至今故里畱荒祠六陵冬青盡凋落
惟王墳樹猶南枝

衛輝懷古

雄關百堞峙嵯峨寶殿瓊樓近若何西向雲山趨上黨
南來天地倒黃河蘇門夜月孫登嘯匏子西風漢武歌

歎息殷都畱古郡五陵沙草雁聲多

渡黃河

我聞黃河之水通天河奔流萬里無迴波遙從崑崙入
中國秦晉趙衛紛沕沕疾如懸崖走駿馬迅如巨壑逃
亡蛇鯨呿鼉擲不到地其勢欲與山嶽爭嵯峨在昔禹
功疏作九一一區列如分科殷周以降爲世患故道旣
失難邀遮漢皇孝武幸苑子築宮亦有宣房歌淇園之
竹取爲櫓薪芟捆載勞千駝年深淤泥漸壅塞塞河性轉
徙趨南訛淮揚近者頗受害民命那足供鼃鼃方今
國家急輸運水衡歲費嗟何多誰當奮臂揮金戈盡驅

醜類歸巢窠滔天巨浪平無頗澄清萬頃明綺羅我行
此地愁經過塵頭滾滾迷陂陀千檣倒水不見影往來
旋折疑投梭神飛魄動口咄呵既濟乃覺心顏和壯游
歲月毋蹉跎何年挂席快趁張騫槎

廣武吟

驅車古戰場一望接廣武頽雲翳遙岑寒日照平楚怪
禽樹上啼駭獸草間聚迴颺揚飛蓬白骨自撐拄緬懷
昔英雄紛紛此爭拒得勢魚爲龍失機虎變鼠陰陵委
邱墟咸陽亦坏土興敗理何常茫茫付千古

鄭州抵新鄭道上有作

朝辭鄭國門未暮抵新鄭紆途亘百里土色辨堅硬行
行歷陂陀逼仄若趨徑踰岡漸迴複越嶺轉泥濘經過
溱洧橋波影蘸清瑩天寒日色薄野曠北風勁林木何
蕭疏青山晚逾淨翹首望夷門停驂發長咏

潁上

箕山接潁水萬古懸清流風高日向夕沙際飛輕鷗停
驂阻中道緬昔思巢由傲屣視天下心同造化游嗟哉
利名客逐逐方爭求形骸苦勞役百歲如幽囚一朝榮
祿盡華屋歸山邱何如避世人譚笑忘春秋廣成不可
作曠懷誰與謀

早發襄城

四野風初緊孤城月漸低
醉乘宛北馬來聽汝南雞
水接三川盡途經七聖迷
首山欣在望何日遂攀躋

過樊城書感

漢皋日落愁將暮峴首碑沈望易迷
不見襄陽小兒女
攔街醉唱白銅鞮

登舟

滿目塵沙喜漸收
掉頭今始弄扁舟
北來燕薊都陳迹
南向湖湘亦壯遊
莽長天看去雁濛濛
寒霧散輕鷗
雄心日逐征帆遠
萬里空江自在流

漢上

流水迢迢去扁舟緩緩行人烟分楚色風雨壯江聲夜
黑魚龍出天寒雁鷺鳴漢陽何處是芳草不勝情

武昌懷古

武昌城闕俯寒流玉帳牙旗控上游落日帆檣趨夏口
舊時風月屬南樓波濤出沒魚龍窟沙草萋迷鸚鵡洲
欲向滄浪歌一曲湘蘭沚芷總堪愁

岳陽樓用杜韻

岳陽天下險千古有高樓勢控三巴勝身同七澤浮雲
霞明遠渚天地入虛舟不盡登臨感長歌向暮流

洞庭舟中望月作歌

洞庭十月波生棧雪山百道堆峻嶒黑風驅雲向天際
瀾呼疾走如奔騰俄然風收雲亦淨巨浪倒地平如繩
金烏縮足墜海底忽見皓月開輪冰初來寒光尙沾溼
嬌娥掠鬢羞鬚髻須臾流輝漸高上盡失岸側千船燈
穿深窺暗無不到照徹水府光層層馮夷震股象罔泣
醜類聚訟形相憎大魚無知獨快意時出水面來跳騰
此時長空少纖芥夜氣萬頃玻璃凝嚴城霜高已重閉
靜聽譙鼓聲鏗鏘當前此景復此客世所難邁我則曾
邊頭老兒尙征戍今夕應覺愁懷增何人奮起解兵甲

一洗海宇皆清激旋思此懷豈易遂痛飲且自呼三升
詩成酒盡月已落曉日旭旭東方昇
長沙弔賈傅故宅

洛陽年少舊知名遷謫何爲竟遠行事主伍偏逢絳灌
上書志早薄公卿一身直續離騷恨千古長聞痛哭聲
生色山川畱故宅瓣香低首拜先生

湘江雜詩二首

玉佩無聲翠幕垂寒鴉幾陣噪空祠斜風細雨黃陵岸
誰唱當年舊竹枝

江上寒風催客行茫茫湘水去無情夜深不見吟魂起

三十六灣空月明

登橘州僧樓

日暮征帆落空江獨倚樓
漁喧臨水市人曳上灘舟
明月自今古浮雲感去留
此間離別淚盡付水東流

衡山吟

噫嘻吁嶮巖衡山一何高高仰
見摩雲盪日之削壁俛見奔雷歎
雪之寒濤巖谷兮岫槽林木兮櫛
櫟雁孤飛兮欲墜猿危處兮哀號
中有老藤蜿蜒而蔓衍雲烟慘慘
兮虎豹嗥倘其鉤荆挂棘而失足
兮曾不足以飽夔蛇之饕噫嘻吁
衡山一何高高予乃穿崖越磴而造其

絕巘兮幾不知世途跋涉之爲勞

全州宿湘山寺

荒荒何代塔一徑入山門
廚廢知僧嬾堂高覺佛尊
種花依藥圃引水灌蔬園
靜對清權得翛然遠俗喧

抵桂林

涼秋發燕山抵粵逼歲暮
修途困嚴霜炎海愁瘴霧
日落天風多崇岡見高樹
怪石何纍纍舉足仇跬步
野花明向人老松瘦當路
流泉鳴澗蹊雪練直奔注
空山隱龍蛇白晝竄狐兔
時清烽火稀古堠無人戍
昂首越王山寒雲迷向徠

桂林至柳州道上雜詩四首

炎荒隨使節暫此息征鞍五嶺烽烟接三冬草木寒入
鄉多瘴癘問俗半凋殘莫漫嗟飄泊清游得壯觀
風雪晚淒淒征人路易迷天陰山鬼出樹密竹雞啼亂
石攢刀劍荒城雜鼓鼙幾家村落近投宿過橋西
桂嶺通烏洞榕陰列翠屏地仍三邑舊山接九嶷青蠻
語隨風雜龍涎帶雨腥殷勤勞瘁吏相送短長亭
遙指潭中道官程擁旆旌煙霞開象郡風雨暗龍城
女齊花至苗民負弩行此鄉經戰伐瘡痍傲苦蒼生

右江官署偶成

夜長燈盡漏聲銷聊倒清尊破寂寥醉倚淨心亭畔臥
滿窗寒月上芭蕉

登柳州城樓用柳子厚韻

巍樓傑特聳蠻荒百粵山河入混茫牛帶寒烟歸白屋
鳥銜殘日下紅牆京華萬里頻回首瘴海經年易斷腸
自古才人遷謫地莫將飄泊怨他鄉

初食檳榔戲作

我本海邦人小小棲異地未作故鄉游安知故鄉味客
冬來柳州千里愁瘴癘驛使進檳榔登盤萸葉翠云茲
性苦寒食之關節利疏氣達腎臍調中健脾胃南人此

代茶其功計以四始嚼舌含辛細嚙喉轉刺蒙蒙暈上
頰稍稍赤盈眥面熱頭發昏腸鳴汗流背得非北山杞
母乃賁禺桂嘉植遍炎方土物非所貴他時遠行游一
斛誰相寄

謁羅池廟

萬里悲遷謫羅池廟食存文章當代重教化百蠻尊細
柳成陰久叢柑綴實繁晚風唳猿鶴似爲訴含冤
弔劉司戶廟

諫議祠堂在春秋俎豆香危言堪論世直道竟投荒高
樹參天綠殘陽下壁黃東鄰有文惠千古共情傷

仙弈山

翠屏丹室閉煙鬟大弈仙人去不還要使乾坤息征戰
故畱空局在人間

題玉融眞仙巖重刻元祐黨籍碑拓本

大觀國是何倉皇立朝豎子多狻猊元長蔡氏秉國軸
老成擯逐如騶羊牽連欲使一網盡殲者削籍生投荒
大書深刻元祐黨癘惡謂可欺千霜詎知權奸所誅貶
榮若黼黻光彝章須臾天公忽示變彗星西見拖櫬槍
詔書忽下文德殿毀碑夜半趨朝堂上皇蒙塵紹興降
故宮禾黍悲蒼涼年湮或恐失傳誦翻令直道難昭彰

吳興沈公有賢裔一官述職來蠻鄉磨崖選石事重泐
闡發祖德敷前光碑高四尺徑過半姓字臚列紛琳琅
神靈代守魑魅懼狐兔驚竄蛟螭藏拓將此卷揭廣坐
快覩久覺心傍徨從來奸邪易亂正人事反覆乖恆常
遷延後世有公論彼何其否茲何臧嗚呼潭州朽骨今
已亡惟有此碑萬古照耀日月長輝煌

自柳州赴桂林舟中雜詩四首

蠻鄉寄跡已經年今日還登蜚女船回首龍城好山色
數峯隱約隔蒼烟

疊石危灘打漿過儂家生小慣風波幾聲蘆笛橫塘晚

愛聽蠻娘一曲歌

烏篷高與浪花平江路迢遙記水程最是惱人聽不得
鷓鴣喚雨一聲聲

鎮日船頭跂足吟黃蘆苦竹晝陰陰江流千里奔如箭
一路看山到桂林

署齋對雨

飛雨零星灑綠苔秋深高館淨塵埃隔牆新竹喜都活
遶徑黃花愁半開孤雁叫天雲外去疏鐘入暮枕邊來
詩成無限懷人感悄對孤燈倒舊醅

九日偕署中諸子游獨秀峯周覽諸勝

東北有高峯厥名曰獨秀突起摩青冥羣山推領袖初
登路已陂漸陟石逾澗巖迴忽礙肩磴轉欲絕脰攀緣
造危巘已覺俛辰宿遐瞻意恍惚傍矚目眩瞽下山步
虛蹻稍縱恐顛仆迎風叩古洞一徑黑如鬢聞聲踵數
前阻昧望屢後陰風颭以至中有鬼神鬬豁然入微亮
憑誰鑿幽竇得毋地軸裂豈是天宇漏須臾出洞門旣
久神始復石屋何崔巍天然去雕鏤屏窗燦羅列疑出
太古構清游亦云樂茲境勝靈鷲矧當值良辰人生能
幾觀拊髀一長歎茫茫隨宇宙

和中丞梁芷林

章鉅

先生修復獨秀峯五詠堂紀事原

韻二首

咫尺名山不厭看
朝朝攜客共憑欄
靈根拔地千尋起
孤石擎天一柱安
雨過諸峯遙送翠
霞明飛閣欲流丹
纖埃不到仙源路
盡日松聲入座寒

雕甍畫棟起崢嶸
幾日華堂賦落成
訪古人來酣夜話
研經客去感秋聲
清游敢擅千年勝
佳什猶傳五詠名
願待西風丹桂熟
更陪騶從到蓬瀛

客中書感

旅館淒涼夜臨風
一嘯歌饑寒欺歲暮
雨雪滯關河芳草
天涯路晴烟水上波
別離已昨日莫問恨如何

全州除夕

客路又除夕今年異去年脫身無瘴癘笑謝百蠻天

壯懷堂詩初稿卷二終